

Penjawat awam di Melaka bakal terima RM1,000

Suffian Abu Bakar

06 Jun 2018 12:02 AM



ADLY ZAHARI ketika berucap pada majlis Moreh Bersama Rakyat yang turut dihadiri Datuk Seri Anwar Ibrahim di Dataran Keris di Alor Gajah, Melaka, malam tadi. - UTUSAN ONLINE/SUFFIAN ABU BAKAR

ALOR GAJAH 6 Jun - Kerajaan negeri sebentar tadi mengumumkan pemberian khas sempena Hari Raya Aidilfitri sebanyak RM1,000 kepada lebih 5,000 penjawat awam negeri ini.

Ketua Menteri, Adly Zahari berkata, pembayaran bonus itu akan dibuat dalam masa terdekat sebelum Aidilfitri pada 15 Jun depan.

"Pemberian bonus ini diharap akan dapat meringankan beban penjawat awam di Melaka.

"Pembayaran ini akan dibuat sebelum kita menyambut Hari Raya Aidilfitri," katanya ketika berucap pada program Moreh Bersama Rakyat yang dihadiri Ketua Umum Pakatan Harapan, Datuk Seri Anwar Ibrahim di Dataran Keris, di sini malam tadi. - UTUSAN ONLINE

Tag Berkaitan Melaka Kerajaan Negeri Terkini